

Ն Կ Ա Ր Ա Գ Ի Ր

ԴԱՏԱԽԱՋՆԵՐԻ ՀԱՄԱԶԳԵՍՏԻ ԵՎ ՏԱՐԲԵՐԱՆՇԱՆՆԵՐԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույնով սահմանվում է Հայաստանի Հանրապետության դատախազության դատախազների համազգեստի և տարբերանշանների նկարագիրը:

2. Բարձրագույն դասային աստիճան ունեցող (արդարադատության պետական խորհրդականի, արդարադատության 1-ին, 2-րդ և 3-րդ դասի պետական խորհրդականի դասային աստիճան) դատախազների համազգեստը մուգ կապույտ գույնի կտորից է՝ բրդի բարձր տոկոսայնությամբ, իսկ 3-րդ դասի խորհրդականից մինչև արդարադատության 1-ին դասի խորհրդականի դասային աստիճան ունեցող դատախազներին՝ մուգ կապույտ գույնի կիսաբրդյա կտորից:

II. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԽԱՋՈՒԹՅԱՆ ԱՐԱԿԱՆ ՍԵՌԻ ԴԱՏԱԽԱՋՆԵՐԻ ՀԱՄԱԶԳԵՍՏԻ ՆԿԱՐԱԳԻՐԸ

3. Արական սեռի դատախազների համազգեստը կազմված է՝

1) **գլխարկ՝ հովարով՝** մուգ կապույտ կիսաբրդյա կտորից, մուգ կապույտ մահուղե գլխարկաբուրքով: Գլխարկագագաթի եզրագծով և գլխարկաբուրքի վերին եզրով անցնում է 2 մմ լայնքով մուգ կարմիր (բորդո) եզրաշերտ: Երկու կոճակներով ամրացվում է երկշերտ հյուսված կապը (քուղը)՝ գլխարկաբուրքի վրա ցանցահյուսագարդով (N 2 ձև, նկար 2): Գլխարկաբուրքի վրա առջևի կենտրոնական մասում ամրացվում է Հայաստանի Հանրապետության դատախազության խորհրդանիշով գլխարկանշան (N 5 ձև, նկար 1): Գլխարկահովարը սև է՝ արտաքինից լաքապատ, իսկ ներսամասը՝ թավշյա սև կտորից: Բարձրագույն դասային աստիճան ունեցող դատախազների գլխարկահովարից վերև՝

գլխարկարոտրքի վրա, բացի ոսկեգույն լարահյուսից, ասեղնագործվում է դափնու ճյուղերի տեսքով 2 համաչափ ոսկեկար զարդ՝ 5-տոկոսանոց ոսկեթելերով, որի կենտրոնական մասում տեղադրված է Հայաստանի Հանրապետության դատախազության խորհրդանիշով գլխարկանշան (N 2 ձև, նկար 1).

2) **գլխարկ՝ տոնական՝** կառուցվածքով և ձևով համապատասխանում է սույն հավելվածի 3-րդ կետի 1-ին ենթակետով սահմանված նկարագրին.

3) **կոստյում**, որը ներառում է՝

3.1) **կիտել՝** մարմինը կիսագրկող մակերեսով, հաստ փողքերով, կարանովի թիկնամասով և փողքերի երկու կողային կտրվածքով, հետծաված օձիքով, օձիքի եզրերը մշակված են մուգ կարմիր (բորդո) մահուդե կտորից եզրագծով, օձիքի միացման կարում մշակված կախիչ, սովորական երկկարանի թևքերով, թևքերի վրա մշակված են ծալքեր (մանժետներ), որոնց վերին եզրերը կարված են մուգ կարմիր (բորդո) մահուդե կտորից եզրագծով, իսկ թևքածալքերի հետնամասում տեղադրված են երեքական Հայաստանի Հանրապետության դատախազության խորհրդանիշով 14 մմ ոսկեգույն մետաղյա համաձուլվածքից կոճակներ: Կիտելը կողքերից ունի կափույրով ծածկվող կտրվածքով ներկարված գրպաններ, երկու կողմերում ունի ծոցագրպաններ: Կիտելը միակոճկուն է՝ Հայաստանի Հանրապետության դատախազության խորհրդանիշի պատկերով միաշարք երեք ոսկեգույն մետաղյա համաձուլվածքից կոճակներով: Ձախ թևքին կարվում է Հայաստանի Հանրապետության դատախազության խորհրդանիշով թևքանշան (N 7 ձև, նկար 2, N 4 ձև, նկար 1, N 3 ձև, նկար 3, 4): Բարձրագույն դասային աստիճան ունեցող դատախազների կիտելի բոլոր կոճակները Հայաստանի Հանրապետության զինանշանի պատկերով են (N 7 ձև, նկար 1, N 4 ձև, նկար 1, N 3 ձև, նկար 1 և 2).

3.2) **տաքստ՝** ուրվագիծը՝ ուղիղ, առանց ծալքերի (մանժետների), 2,5 մմ լայնությանը մուգ կարմիր (բորդո) մահուդե կտորից եզրակարով, գոտին գոտեմակօղերով,

կոճկվում է մետաղյա ամրակով, մեկ կոճակով և շղթայով, արտաքին գրպանները թեք են (կողային), հետևամասի աջ կողմում՝ կոճակով կոճկվող կափույրով գրպան: Բարձրագույն դասային աստիճան ունեցող դատախազների համար՝ 2,5 մմ լայնությամբ մուգ կարմիր (բորդո) մահուղե կտորից եզրակարից 0,5 սմ հեռավորությամբ ձգվում է երկու մուգ կարմիր (բորդո) մահուղե կտորից վրակարվածք՝ 2,2 սմ լայնությամբ շերտով, տաքատի կողքի կարի ամբողջ երկայնքով:

4) կոստյում՝ տոնական, որը ներառում է՝

4.1) **տոնական կիտել՝** կառուցվածքով և ձևով համապատասխանում է սույն հավելվածի 3-րդ կետի 3.1-ին ենթակետով սահմանված նկարագրին, կարվում է սպիտակ գույնի կիսաբրդյա կտորից (N 10 ձև, նկար 1, 2), իսկ բարձրագույն դասային աստիճան ունեցող դատախազների համար՝ սպիտակ գույնի կտորից՝ բրդի բարձր տոկոսայնությամբ:

4.2) **տոնական տաքատ՝** կառուցվածքով և ձևով համապատասխանում է սույն հավելվածի 3-րդ կետի 3.2-րդ ենթակետով սահմանված նկարագրին:

5) **տաքատ՝** կառուցվածքով և ձևով համապատասխանում է սույն հավելվածի 3-րդ կետի 3.2-րդ ենթակետով սահմանված նկարագրին:

6) **երկարաթև վերնաշապիկ՝** սպիտակ կտորից, ծալովի օձիքով (փափուկ կամ կոշտ), վերնաշապիկի օձիքի անկյուններում տեղադրված են պլաստիկ ներդիրներ: Վերնաշապիկի հետևամասը՝ վերին կտրվածքով, ուղիղ գոտիով, կարագծերին էլաստիկ ժապավեններ, կոճկվում է 8 կոճակով, ձախ կտրվածքը՝ շերտակարով, թևքերը՝ երկար, կոճակով կոճկվող թեզանիքներով (N 9 ձև, նկար 1, 2):

7) **կարճաթև վերնաշապիկ՝** սպիտակ կտորից է, ծալովի օձիքով, կրծքամասում կոճակով կոճկվող ձևավոր կափույրով և շերտակարով վրադիր գրպաններ, ուղիղ գոտիով, կարագծերին էլաստիկ ժապավեններ, հետևամասը՝ վերին կտրվածքով, կոճկվում է 8 կոճակով, ձախ կտրվածքը՝ շերտակարով, թևքերը՝ կարճ՝ շերտակարով,

ձախ թևքին կարվում է Հայաստանի Հանրապետության դատախազության խորհրդանիշով թևքանշան, ուսերին՝ գոտեմակօղեր՝ ուսադիրների համար (N 8 ձև, նկար 1, 2).

8) **կոշիկ՝** սև գույնի բնական կաշվից, երեսամասն ամբողջական առաջամասով, կտրված հետևամասերով ամրացված գոտիով, հետևամասերի միացումն առաջամասերին՝ էլաստիկ ժապավենով, հիմնական և միջնաստառները՝ կտորից, կոշտ քթամասերը և հետևամասերը՝ արհեստական կաշվից: Ներքանը ձևավորված է պոլիուրեթանից՝ սոսնձով միացման մեթոդով.

9) **կիսաճտքավոր կոշիկ՝** սև գույնի բնական կաշվից, երեսամասը՝ ամբողջական առաջամասով, ճոքերի հետևամասերն ունեն երկարացված գոտի, լեզվակը միացված է առաջամասին և ճոքերի ստորին մասին, կոշիկը շղթայով կոճկվող, ներքանների եզրերը՝ վրաքաշվող մասերի հետ կարերով, միացման մեթոդը՝ սոսնձով.

10) **վերարկու՝ ձմեռային՝** մուգ կապույտ մահուղե կտորից, ձևվածքն ունի կիպ նստած ուրվագիծ, օձիքը ծալովի է, հետևամասի ներքևում՝ բացվածքով: Վերարկուն միակոճկուն է՝ դեպի աջ կոճկումով, կոճկվում է չորս կոճակ օղակներով և գաղտնի կոճկվածքով: Թևերը՝ երկկարանի, ներկարված: Աստառը՝ մետաքսյա, վերարկուի առաջամասի և հետևամասի աստառները մզդակարված են մեմբրանե տաքացուցիչով, երկու կողմերում՝ ներսից, ունի ծոցագրպաններ, երկու կողքերից գրպանները՝ ներկարովի՝ մշակված քառանկյուն կափույրներով, երկարությունը մինչև ծնկները (N 12 ձև, նկար 1, 2): Բարձրագույն դասային աստիճան ունեցող դատախազների համար՝ մուգ կապույտ, բարձր որակի մահուղե կտորից.

11) **անձրևանոց՝** մուգ կապույտ կտորից, անջրաթափանց, միակոճկուն՝ դեպի աջ կոճկումով, օձիքը՝ ծալովի, մեջքամասը՝ առանց կտրվածքի: Լանջափեշերը կոճկվում են հինգ կոճակ օղակներով և գաղտնի կոճկվածքով, լանջափեշերի վրա վերևից թեք

շերտիկավոր ներկարված գրպաններ: Թիկունքը և առաջամասը՝ ուղիղ ուրվագծով, անձրևանոցի երկարությունը մինչև ծնկները (N 11 ձև, նկար 1, 2).

12) **փողկապ՝** մուգ կապույտ գույնի, ունի լայնացած ուրվագծով ձևվածք, պատ-
րաստի տեսքն ավարտվում է ներքևում՝ սուր անկյունով, վերևում՝ հավաքովի հանգույց:
Փողկապի վրա ասեղնագործված է Հայաստանի Հանրապետության զինանշան (N 6 ձև,
նկար 1).

13) **փողկապի ամրակ՝** երկնյուղանի մետաղյա ոսկեգույն շերտիկ.

14) **գոտի՝** կաշվե, սև, 50 մմ լայնությամբ, միաանցք.

15) **ձեռնոց՝** կաշվե, սև, հինգմատնյա.

16) **վզարկու՝** մուգ կապույտ տրիկոտաժե գործվածքից:

III. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԽԱՋՈՒԹՅԱՆ ԻԳԱԿԱՆ ՍԵՌԻ ԴԱՏԱԽԱՋՆԵՐԻ ՀԱՄԱԶԳԵՍՏԻ ՆԿԱՐԱԳԻՐԸ

4. Իգական սեռի դատախազների համագգեստը կազմված է՝

1) **գլխարկ՝ կանացի (պիլոտկա)՝** մուգ կապույտ կիսաբրոյա կտորից: Վերծավված
եզրակարերն ավարտվում են մուգ կարմիր (բորդո) մահուդե կտորից եզրակով (կանտով):
Առջևի կենտրոնական ճակատային մասում ամրացվում է Հայաստանի Հանրապետու-
թյան դատախազության խորհրդանիշով գլխարկանշան (N 2 ձև, նկար 3).

2) **գլխարկ՝ տոնական՝** կառուցվածքով և ձևով համապատասխանում է սույն
հավելվածի 4-րդ կետի 1-ին ենթակետով սահմանված նկարագրին.

3) **կոստյում,** որը ներառում է՝

3.1) **կիտել՝** կառուցվածքով և ձևով նման է սույն հավելվածի 3-րդ կետի 3-րդ
ենթակետում նկարագրված կիտելին՝ առանց կողային երկու կտրվածքների, դեպի ձախ

կոճկումով՝ Հայաստանի Հանրապետության դատախազության խորհրդանշանի պատկերով միաշարք երկու ոսկեգույն մետաղյա համաձուլվածքից կոճակներով, իսկ թևքածալքերի հետևամասում տեղադրված են երկուական Հայաստանի Հանրապետության դատախազության խորհրդանիշով 14 մմ ոսկեգույն մետաղյա համաձուլվածքից կոճակներ (N 7 ձև, նկար 4): Բարձրագույն դասային աստիճան ունեցող դատախազների կիտելի բոլոր կոճակները Հայաստանի Հանրապետության զինանշանի պատկերով են (N 7 ձև, նկար 3).

3.2) **կիսաշրջագգեստ՝** ուղիղ կարվածքով է, երկկողմանի սեղմոններով, աստառով, գոտին՝ գոտեմակօղերով, հետևամասում՝ բացվածքով, կողամասում կոճկվում է մեկ կոճակով և շղթայով.

4) **տոնական կոստյում,** որը ներառում է

4.1) **տոնական կիտել՝** կառուցվածքով և ձևով համապատասխանում է սույն հավելվածի 4-րդ կետի 3.1-ին ենթակետով սահմանված նկարագրին՝ դեպի ձախ կոճկումով, կարվում է սպիտակ գույնի կիսաբրդյա կտորից (N 10 ձև, նկար 3, 4): Բարձրագույն դասային աստիճան ունեցող դատախազների համար՝ սպիտակ գույնի կտորից՝ բրդի բարձր տոկոսայնությամբ.

4.2) **տոնական կիսաշրջագգեստ՝** կառուցվածքով և ձևով համապատասխանում է սույն հավելվածի 4-րդ կետի 3.2-րդ ենթակետով սահմանված նկարագրին.

5) **կիսաշրջագգեստ՝** կառուցվածքով և ձևով համապատասխանում է սույն հավելվածի 4-րդ կետի 3.2-րդ ենթակետով սահմանված նկարագրին.

6) **երկարաթև վերնաշապիկ՝** կառուցվածքով և ձևով նման է սույն հավելվածի 3-րդ կետի 6-րդ ենթակետում նկարագրված վերնաշապիկին՝ դեպի ձախ կոճկումով, ձախ շերտակարի փոխարեն կարվում է աջ շերտակար (N 9 ձև, նկար 3).

7) **կարճաթև վերնաշապիկ**՝ կառուցվածքով և ձևով նման է սույն հավելվածի 3-րդ կետի 7-րդ ենթակետում նկարագրված վերնաշապիկին՝ դեպի ձախ կոճկումով, ձախ շերտակարի փոխարեն կարվում է աջ շերտակար (N 8 ձև, նկար 3, 4)։

8) **վերարկու՝ ձմեռային**՝ մուգ կապույտ մահուդե կտորից, ձևվածքն ունի կիպ նստած ուրվագիծ, օձիքը ծալովի է, հետնամասի ներքևում՝ բացվածքով։ Վերարկուն դեպի ձախ կոճկումով կոճկվում է չորս կոճակ օղակներով և գաղտնի կոճկվածքով։ Թևքերը՝ երկկարանի, ներկարված։ Աստառը՝ մետաքսյա, վերարկուի առաջամասի և հետևամասի աստառները մզկակարված են մեմբրանե տաքացուցիչով, ձախ կողմում՝ ներսից, ունի ծոցագրպան, երկու կողքերից գրպանները՝ ներկարովի՝ մշակված քառանկյուն կափույրներով, երկարությունը մինչև ծնկները (N 12 ձև, նկար 3, 4)։ Բարձրագույն դասային աստիճան ունեցող դատախազների համար՝ մուգ կապույտ, բարձր որակի մահուդե կտորից։

9) **անձրևանոց**՝ մուգ կապույտ կտորից, անջրաթափանց, միակոճկուն՝ դեպի ձախ կոճկումով, օձիքը՝ ծալովի, մեջքամասը՝ առանց կտրվածքի։ Լանջափեշերը կոճկվում են հինգ կոճակ օղակներով և գաղտնի կոճկվածքով, լանջափեշերի վրա վերևից թեք շերտիկավոր ներկարված գրպաններ։ Թիկունքը և առաջամասը ուղիղ ուրվագծով, անձրևանոցի երկարությունը մինչև ծնկները (N 11 ձև, նկար 3, 4)։

10) **կոշիկ**՝ սև գույնի բնական կաշվից, միջադիրը՝ բնական կաշվից, ներդիրը՝ կոշիկին համապատասխան կաշվից։ Ներքանը ձևավորված է պոլիուրեթանից՝ սոսնձով միացման մեթոդով։ Կրունկը՝ մինչև 5 սմ բարձրության, փաթաթված երեսամասի նյութով։

11) **կիսաճտքավոր կոշիկ**՝ սև գույնի բնական կաշվից, բարձրությունը՝ 25-30 սմ, ներդիրը՝ կիսաճտքավոր կոշիկին համապատասխան կաշվից, միջադիրը՝ բայկա կամ համանման, կոշիկը շղթայով կոճկվող, կրունկը՝ մինչև 5.5 սմ բարձրության։

12) **փողկապ**՝ մուգ կապույտ կտորից, երկու շեղանկյունաձև՝ լայն, կարճ և նեղ, երկարավուն կտորներից, որի նեղ, երկարավուն կտորը գտնվում է լայն, կարճ կտորի վրա, հանգույցի ներքևի կենտրոնական մասում ասեղնագործված է Հայաստանի Հանրապետության զինանշանը (N 6 ձև, նկար 2)։

13) **գոտի**՝ կառուցվածքով և ձևով համապատասխանում է սույն հավելվածի 3-րդ կետի 14-րդ ենթակետով սահմանված նկարագրին։

14) **ձեռնոց**՝ կառուցվածքով և ձևով նման է սույն հավելվածի 3-րդ կետի 15-րդ ենթակետում նկարագրված ձեռնոցին։

15) **վզարկու**՝ կառուցվածքով և ձևով նման է սույն հավելվածի 3-րդ կետի 16-րդ ենթակետում նկարագրված վզարկուին։

IV. ԴԱՏԱԽԱՋՆԵՐԻ ՏԱՐԲԵՐԱՆՇԱՆՆԵՐԻ ՆԿԱՐԱԳԻՐԸ

5. Դատախազների տարբերանշաններն են՝ գլխարկանշանները, թևքանշանն ու ուսադիրները։

6. Թևքանշանը վահանաձև է, երիզված մուգ կարմիր (բորդո) 2 մմ երիզով, Հայաստանի Հանրապետության խորհրդանիշի պատկերով՝ 11 սմ x 7.5 սմ մուգ կապույտ ֆոնի վրա (N 4 ձև, նկար 1)։ Թևքանշանը կրում են ձախ թևքի արտաքին կողմին, թևքի վերին կետից մինչև նշանը՝ 90 մմ հեռավորությամբ։

7. Հայաստանի Հանրապետության դատախազների դասային աստիճանների տարբերանշաններն ուսադիրներն են, որոնք լինում են՝

1) կարովի (կիտելի), տեղադրվում են թևքատեղադրման գծից ուսի կարի վրա այնպես, որ ուսի կարը համընկնի ուսադրի երկայնական առանցքային գծի հետ (N 1 ձև, նկար 2, 4 և 6)։

2) հանովի (կարճաթև վերնաշապիկի վրա), ամրացվում են ուսերի գոտեմակողերին (N 1 ձև, նկար 1, 3 և 5):

8. Ուսադիրը կիսափափուկ, ձգված վեցանկյուն է, երկարավուն զուգահեռ կողմերով, որոնց ներքևի վերջնամասն ուղղանկյուն է: Ուսադիրները մուգ կարմիր մահուդի վրա մշակված մուգ կապույտ գույնի նախշազարդ դաշտով են, եզրերը մուգ կարմիր գույնի մակաշերտով: Կարովի ուսադրի եզրերը, բացի ստորինից, երիզվում են 2,5 մմ լայնությամբ մուգ կարմիր մահուդե գործվածքով: Ուսադիրներին, ըստ դասային աստիճանի, տեղադրվում են մետաղե ոսկեգույն աստղեր (բարձրագույն դասային աստիճան ունեցող դատախազների ուսադիրների աստղերն ասեղնագործվում են), իսկ վերին ծայրից 15 մմ հեռավորության վրա տեղադրվում է 14 մմ տրամագծով ոսկեգույն կոճակ՝ Հայաստանի Հանրապետության դատախազության խորհրդանիշի պատկերով, իսկ բարձրագույն դասային աստիճան ունեցողներին՝ Հայաստանի Հանրապետության զինանշանի պատկերով:

9. Դատախազների կիտելի աջ և ձախ օձիքների վրա ամրացվում է Հայաստանի Հանրապետության դատախազության խորհրդանիշով տարբերանշան (N 5 ձև, նկար 4): Բարձրագույն դասային աստիճան ունեցող դատախազների կիտելի աջ և ձախ օձիքների վրա ասեղնագործվում է ոսկեգույն դափնու ճյուղերով զարդանախշ (N 5 ձև, նկար 3):

10. Դատախազների դասային աստիճանների տարբերանշանները (ուսադիրներ) տեղադրվում են (կարվում են) կիտելի, վերնաշապիկի աջ և ձախ ուսակարերի վրա (N 7 ձև, նկար 1, 2, 3 և 4, N 8 ձև, նկար 1, 2, 3 և 4):

11. Արդարադատության պետական խորհրդականի ուսադիրների վրա ասեղնագործվում է ոսկեգույն հնգաթև աստղ՝ 25 մմ տրամագծով՝ աստղի թևերի միջև ասեղնագործված յոթական ճառագայթներով (N 2 ձև, նկար 4):

12. Արդարադատության 1-ին դասի պետական խորհրդականի ուսադիրների վրա ասեղնագործվում է 3 ուռուցիկ ոսկեգույն հնգաթև աստղ՝ յուրաքանչյուրը 22 մմ տրամագծով, արդարադատության 2-րդ դասի պետական խորհրդականի ուսադիրների վրա՝ 2 ուռուցիկ ոսկեգույն հնգաթև աստղ՝ յուրաքանչյուրը 22 մմ տրամագծով, արդարադատության 3-րդ դասի պետական խորհրդականի ուսադիրների վրա՝ մեկ ուռուցիկ ոսկեգույն հնգաթև աստղ՝ 22 մմ տրամագծով (N 2 ձև, նկար 5):

13. Արդարադատության 1-ին, 2-րդ, 3-րդ դասերի խորհրդականների ուսադիրների վրա 2 մուգ կարմիր մակաշերտ է: Արդարադատության 1-ին դասի խորհրդականի ուսադիրներին ամրացվում է 3 ոսկեգույն հնգաթև աստղ՝ յուրաքանչյուրը 20 մմ տրամագծով, արդարադատության 2-րդ դասի խորհրդականի ուսադիրներին՝ 2 հնգաթև ոսկեգույն աստղ՝ յուրաքանչյուրը 20 մմ տրամագծով, արդարադատության 3-րդ դասի խորհրդականի ուսադիրներին՝ մեկ հնգաթև աստղ՝ 20 մմ տրամագծով (N 2 ձև, նկար 6):

14. 1-ին, 2-րդ, 3-րդ դասերի խորհրդականների ուսադիրների վրա՝ մեկ մուգ կարմիր մակաշերտ է: 1-ին դասի խորհրդականի ուսադիրներին ամրացվում է 4 ոսկեգույն աստղ՝ յուրաքանչյուրը 14 մմ տրամագծով, 2-րդ դասի խորհրդականի ուսադիրներին՝ 3 ոսկեգույն աստղ՝ յուրաքանչյուրը 14 մմ տրամագծով, 3-րդ դասի խորհրդականի ուսադիրներին՝ 2 ոսկեգույն աստղ՝ յուրաքանչյուրը 14 մմ տրամագծով (N 2 ձև, նկար 7):

15. Աստղերը ճառագայթներից մեկով ուղղված են դեպի ուսադիրների վերին եզրը:

16. Բարձրագույն դասային աստիճան ունեցող դատախազների համազգեստի բոլոր տարրերանշաններն ասեղնագործվում են 5-տոկոսանոց ոսկեթելերով:

N 1 ձև



Նկար 1

Արդարադատության պետական խորհրդականի
վերնաշապիկի ուսադիր



Նկար 2

Արդարադատության պետական խորհրդականի
կիտելի ուսադիր



Նկար 3. Արդարադատության երրորդ դասի պետական խորհրդականից մինչև արդարադատության առաջին դասի պետական խորհրդականի դասային աստիճան ունեցող դատախազի վերնաշապիկի ուսադիրներ



Նկար 4. Արդարադատության երրորդ դասի պետական խորհրդականից մինչև արդարադատության առաջին դասի պետական խորհրդականի դասային աստիճան ունեցող դատախազի կիտելի ուսադիրներ



Նկար 5. Ոսադիր երրորդ դասի խորհրդականից մինչև արդարադատության առաջին դասի խորհրդականի դասային աստիճան ունեցող դատախազի վերնաշապիկի համար



Նկար 6. Ոսադիր երրորդ դասի խորհրդականից մինչև արդարադատության առաջին դասի խորհրդականի դասային աստիճան ունեցող դատախազի կիտելի համար

N 2 ձև



Նկ 1



Նկ 2



Նկ 3

Գլխարկների տղամարդու և կանացի



25 մմ
Նկ 4



22մմ
Նկ 5



20մմ
Նկ 6



14մմ
Նկ 7

Աստղեր տարբերանշանների համար

N 3 ձև



22մմ

Նկ. 1



14մմ

Նկ. 2

Կոճակներ բարձրագույն դասային աստիճան ունեցող
դատախազի համազգեստի համար



22 մմ

Նկ. 3



14 մմ

Նկ. 4

Կոճակներ երրորդ դասի խորհրդականից մինչև արդարադատության
առաջին դասի խորհրդականի դասային աստիճան ունեցող
դատախազի համազգեստի համար

N 4 ձև



Նկար 1. Հայաստանի Հանրապետության դատախազության դատախազի համազգեստի թևքանշան

N 5 ձև

Գլխարկանշաններ




Նկ 1



Նկ 2


Այլ տարրերանշաններ



Նկ 3



Նկ 4



Նկ 5

N 6 ձև



Նկար 1. Փողկապ տղամարդու



Նկար 2. Փողկապ կանացի

N 7 ձև



Նկար 1



Նկար 2



Նկար 3



Նկար 4

**Արական և իգական սեռի
դատախազների ամենօրյա համազգեստ**

N 8 ձև



Նկար 1



Նկար 2



Նկար 3



Նկար 4

Արական և իգական սեռի դատախազների
ամենօրյա կարճաթև վերնաշապիկ

N 9 ձև



Նկար 1



Նկար 2



Նկար 3

Արական և իգական սեռի դատախազների
ամենօրյա երկարաթև վերնաշապիկ

N 10 ձև



Նկար 1



Նկար 2



Նկար 3



Նկար 4

Արական և իգական սեռի
դատախազների տոնական համազգեստ

N 11 ձև



Նկար 1



Նկար 2



Նկար 3



Նկար 4

Արական և իգական սեռի դատախազների
անձրկանոց

N 12 ձև



Նկար 1



Նկար 2



Նկար 3



Նկար 4

**Արական և իգական սեռի դատախազների
ձմեռային վերարկու**

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Է. ԱՂԱԶԱՆՅԱՆ

Ն Կ Ա Ր Ա Գ Ի Ր

ԴԱՏԱԽԱՋՈՒԹՅԱՆ ԽՈՐՀՐԴԱՆԻՇԻ

1. Հայաստանի Հանրապետության դատախազության խորհրդանիշը դատախազության համակարգի անհատականացման նշանն է:
2. Հայաստանի Հանրապետության դատախազության խորհրդանիշի տարրերն են՝ վահանը, կշեռքը և սուրը:
3. Վահանը հասարակության և մարդու իրավունքների պաշտպանության, կշեռքը՝ արդարության, սուրը՝ պատժի և դատաստանի ապահովման խորհրդանիշերն են:
4. Վահանն ուղղահայաց հնգանկյուն է, որի վերևի մասում պատկերված է կշեռքը, իսկ կենտրոնում՝ Հայաստանի Հանրապետության դրոշմը: Դրոշի վրա տեղադրված է Հայաստանի Հանրապետության զինանշանը: Վահանից դուրս, վերևի մասում, երևում է սրի բռնակը, իսկ ներքևից դուրս է գալիս սրի շեղբը:
5. Վահանը երիզված է մուգ կապույտ ժապավենով, որի վրա ոսկեգույն տառերով մակագրված է «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԽԱՋՈՒԹՅՈՒՆ»:
6. Խորհրդանիշի լայնության և երկարության հարաբերությունն է՝ 1: 1,3:



ՀՀ դատախազության խորհրդանիշ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Է. ԱՂԱԶԱՆՅԱՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԽԱԶՈՒԹՅԱՆ ՀԱՄԱԶԳԵՍՏԻ
ՏՐԱՄԱԴՐՄԱՆ ԺԱՄԿԵՏՆԵՐԸ**

Հայաստանի Հանրապետության դատախազության համազգեստը տրամադրվում է
հետևյալ ժամկետներով՝ համաձայն աղյուսակի.

Աղյուսակ

NN ը/կ	Անվանումը	Քանակը	Կրելու ժամկետները (տարի)
1.	Գլխարկ՝ հովարով (բարձրագույն դասային աստիճան ունեցող դատախազների)	1 հատ	2
2.	Գլխարկ՝ հովարով	1 հատ	2
3.	Գլխարկ՝ կանացի	1 հատ	2
4.	Կոստյում (բարձրագույն դասային աստիճան ունեցող դատախազների)	1 հատ	2
5.	Կոստյում	1 հատ	1
6.	Կոստյում՝ տոնական	1 հատ	4
7.	Տաբատ	1 հատ	1
8.	Կիսաշրջագգեստ	1 հատ	1
9.	Վերարկու՝ ձմեռային (բարձրագույն դասային աստիճան ունեցող դատախազների), բարձր որակի մահուդից	1 հատ	4
10.	Վերարկու՝ ձմեռային, մահուդից	1 հատ	4
11.	Անձրևանոց	1 հատ	4
12.	Վերնաշապիկ՝ երկարաթև (սպիտակ կտորից)	2 հատ	1
13.	Վերնաշապիկ՝ կարճաթև (սպիտակ կտորից)	2 հատ	1
14.	Փողկապ	1 հատ	1
15.	Կոշիկ (բարձրագույն դասային աստիճան ունեցող դատախազների)	1 հատ	1
16.	Կոշիկ	1 հատ	1
17.	Կիսաճտքավոր կոշիկ	1 հատ	4
18.	Ձեռնոց	1 հատ	4
19.	Գոտի	1 հատ	1
20.	Փողկապի ամրակ	1 հատ	1
21.	Վզարկու	1 հատ	4
22.	Ուսադիր (բարձրագույն դասային աստիճան ունեցող դատախազների)	1 զույգ	2

23.	Ուսադիր (բարձրագույն դասային աստիճան ունեցող դատախազների, կարճաթև վերնաշապիկի)	1 զույգ	1
24.	Ուսադիր (կիտելի)	1 զույգ	1
25.	Ուսադիր (կարճաթև վերնաշապիկի)	1 զույգ	1
26.	Ուսադիր (տոնական կիտելի համար)	1 զույգ	4
27.	Օձիքի տարբերանշան	1 զույգ	1
28.	Օձիքի տարբերանշան (տոնական կիտելի համար)	1 զույգ	4

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Է. ԱՂԱԶԱՆՅԱՆ